

laetissima. Ad huius beatitudinis pacem omnes ad te venientes, vel etiam pertinentes 802—804
exemplis optimae vitae trahere non desistas; nec admonitionibus dulcissimis corda
arentia inrigare segnis^a esto, ut culmen nominate dignitatis in te sublimitatem meri-
torum habeat in conspectu Dei.

5 Sint verba tua sale sapientiae condita, ut de te verissime dicatur: 'Ecce sacer-
dos magnus, qui in diebus suis placuit Deo'; qui multiplicatis dominice pecunie
talentis^b Domino suo occurrere dignus habeatur, et audire vocem desiderabilem: 'Euge Matth. 25, 21.
serve bone et fidelis, intra in gaudium domini Dei tui'. Properat enim dies ultimus,
et tacito pede fessa senectus ingreditur cubile nostrum¹; stat ad ostium qui pulsat,
10 si leto animo adventum ipsius suscipiamus. Dies sunt pauci laboris nostri, sed bene
laborantem sequitur merces sine numero dierum, eius ordinatione, qui ordinat diem
aeternum, secundum merita singulorum; in cuius domo mansiones multae sunt; sed Ioh. 14, 2.
hae omnes divitiis felicitatis et gloria beatitudinis sunt plenae, ubi sancti post huius
vitae sudorem aeterna pace fruuntur, qui nostrum de supernis sedibus expectant^c
15 agonem, desiderantes ex nobis augeri numerum suum, quo tu properans, beatissime
pater, meque precibus tecum rapere secundum fidelissimas promissiones tuas satage,
ut corona gloriae tuae mihi proficiat, Christo donante, in perpetuam miserationis Dei
salutem.

Divina gratia te tuosque fideliter in ecclesia Christi servientes in omnibus pro-
20 ficere faciat, dilectissime et sanctissime pater.

311.

*Alcvinus Aethelhardum Cantuariensem archiepiscopum admonet, ut officii sui partes
impleat et pro sese Deum invocet. Mittit munera.* 802—804.

Codd. A 2 fol. 152—153', A 1 fol. 123—125, A 1 p. 144—147 nr. 104^a.*

Edd. Haddan and Stubbs Councils III, 552—554, J 248.

25 REVERENTISSIMO PATRI AETHELHARDO ARCHIEPISCOPO ALCHVINUS LEVITA PERPETUE
BEATITUDINIS SALUTEM.

Audiens sapientiae decorem in corde et veritatis constantiam in ore vestro
beatam estimabam gentem tam pium et prudentem habentem doctorem necnon et
tam probatum intercessorem apud Deum.

30 Quia sacerdotis ministerium est inter Deum hominesque stare et sanctarum
turibulo^b orationum inter vivos mortuosque discernere. Ille est gallus succinctis lum- Prov. 30, 31.
bis, predicator optatae aurorae, quae numquam tenebris fuscatur. Ille est aries, cui
regalis potentia resistere non poterit. Ille est speculator in turre virtutum consistens,
previdens castris Christi, ne quis inimicus, hostili mucrone clam succinctus, incautum
35 quemlibet vulnerare valeat. Ille est splendidissima in domo Dei lucerna, omnes igno-
rantiae tenebras discutiens, ut sola veritas^c luceat in cordibus credentium.

Hanc altissimam vicariamque apostolici honoris dignitatem diligentissime secun-
dum sapientiam tibi a Deo datam, dulcissime pater, considera. Honora cum apostolo
ministerium tuum, praedica verbum Dei omni pietatis instantia. Messis quidem multa Rom. 11, 13.
Matth. 9, 37.
40 est, sed operarii pauci. Quapropter instantius laborandum est tibi, ut simul gaudeas Ioh. 4, 36.

^a) segnes *H.* ^b) talentes *H.* ^c) expectat *H.*

311. ^a) *Lemma*: Epistola Albini levitae ad Aedelhardum archiepiscopum *A 1.* ^b) turri-
bulo *A 2*; thuribulo *A 1**. ^c) *alia manus superscripsit* vel sol verus *A 2.*

1) *Cf. supra p. 369 n. 4; Ovid. Ars Amat. II, 670: Iam veniet tacito curva senecta pede, infra*
45 *p. 481 v. 20.*